



KENYATAAN / SIARAN AKHBAR

Untuk maklumat lanjut sila hubungi:
Bahagian Komunikasi Korporat
Perbadanan Putrajaya
Tel: 03-8887 7033 Faks: 03-8887 5013

PPJ SERTAI MATTA FAIR PROMOSI PUTRAJAYA SEBAGAI DESTINASI PELANCONGAN NEGARA


PUTRAJAYA, 01 September 2023 – Perbadanan Putrajaya (PPj) tidak ketinggalan menyertai MATTA Fair dalam rangka mempromosi Putrajaya sebagai destinasi pelancongan negara. Penyertaan kali ini merupakan kali ke-2 bagi tahun ini selepas penganjuran MATTA Fair pada bulan Mac yang lalu.

Langkah tersebut dibuat bersama empat belas produk pelancongan yang turut mengambil bahagian dalam pameran yang bermula pada 1 hingga 3 September 2023, bertempat di Malaysia International Trade & Exhibition Centre (MITEC) Kuala Lumpur.

Antara produk pelancongan yang mengambil bahagian bersama PPj adalah Taman-taman Awam Putrajaya, Putrajaya International Convention Centre (PICC), Taman Equestrian Putrajaya, Cruise Tasik Putrajaya, Pulse Grande Hotel Putrajaya, Putrajaya Story dan Chocolate Souq Shoppe, The Everly Hotel Putrajaya, Kelab Tasik Putrajaya, Glow Glamping Taman Wetland, Mercure Living Hotel, Kebun Komuniti Putrajaya, Bora Ombak, Nasyrul Quran dan Putrakop. Jumlah keseluruhan kutipan jualan kesemua produk pelancongan adalah sebanyak RM147,361.00.

Penyertaan PPj ke MATTA Fair adalah merupakan platform terbaik bagi mempromosikan Putrajaya sebagai destinasi pelancongan negara selain memasarkan produk-produk pelancongan di Putrajaya serta pakej-pakej pelancongan yang disediakan secara bersama. PPj berharap industri pelancongan di Putrajaya akan terus berkembang sekali gus mampu menjadi penyumbang utama kepada ekonomi setempat.

Sehingga Jun 2023, seramai lebih kurang 8.8 juta pengunjung telah berkunjung ke Putrajaya merangkumi pengunjung acara dan juga pelancong asing. PPj terus giat mempromosikan Putrajaya sebagai destinasi mesti lawat negara (*a must visit destination*) dengan mensasarkan sekurang-kurangnya 1 juta pelancong asing membanjiri Putrajaya setiap tahun.



(TPr. NORZITA BINTI ABDUL RAZAK)
Pengarah Komunikasi Korporat
b.p. Presiden
Perbadanan Putrajaya

Tarikh: 1 September 2023

Keterangan lanjut berhubung siaran media ini, sila hubungi Pegawai Media PPj, Encik Mohamad Rohaizat bin Kasman di talian 017-3132590 dan Puan Haryani binti Kaulan di talian 019-3831564